

SISTEM PLAĆANJA

(Title 34 Šiframnik odjela za Federalne propise 303.520 and 303. 521; Plan države Mizuri Odjeljak XVIII; i revidirani Statuti države Mizuri 160.920 and 376.1218)

Pored državnih i federalnih fondova, program First Steps koristi participaciju porodičnih troškova, privatno osiguranje i javno osiguranje (MO HealthNet/Medicaid), kreirajući tako sistem plaćanja za finansiranje programa. Odjel osnovnog i srednjeg obrazovanja (DESE) ima na snazi međuagencijske sporazume i državne zakone o utvrđivanju financijske odgovornosti za usluge programa First Steps.

Polisa sistema plaćanja države Mizuri obezbijedila je roditeljima korištenje privatnog ili javnog osiguranja prije dobivanja saglasnosti, kako bi platili usluge First Steps i prije nego je saglasnost dobivena za dodjeljivanje usluga programa First Steps. Polisa objašnjava participaciju mjesečne naknade i kako se roditelji mogu nositi s nametima od naknada i/ili determinacijom odjela DESE o sposobnosti roditelja da plaćaju naknadu. Ova polisa takođe objašnjava potencijalne troškove koje roditelji mogu imati kada se koristi roditeljsko privatno ili javno osiguranje da bi se pomoglo u plaćanju usluga programa First Steps.

PARTICIPACIJA PORODIČNIH TROŠKOVA (FCP)

DESE implementira sistem plaćanja koji utvrđuje porodičnu participaciju za troškove pružanja usluga First Steps kao mandatnih u državnom zakonu. Svako prihvatljivo dijete i porodica koji participiraju u programu First Steps se procjenjuju kako bi se odredila sposobnost plaćanja naknade za participaciju.

Definicije

Sljedeće definicije pomažu porodicama da razumiju prikupljanje informacija za određivanje FCP naknade i kako se naknade obračunavaju:

Usklađeni bruto prihod

Usklađeni bruto prihod znači usklađeni prihod u skladu sa prošlogodišnjim poreznim formularom za federalne prihode.

Participacija porodičnih troškova/porodična naknada

Participacija porodičnih troškova/porodična naknada znači maksimalan iznos koji porodica mora platiti na mjesečnoj osnovi prema sposobnosti porodice za plaćanje, uzimajući u obzir porodični usklađeni prihod onakav kako je determiniran na prošlogodišnjem poreznom formularu za federalne prihode. Naknada je bazirana na porodicu kao cjelinu, ne na osnovu pojedinačnog djeteta.

Porodični troškovi

Porodični troškovi znači troškovi plaćeni od strane porodice, uključujući vanredne medicinske troškove, koji mogu biti razmatrani kod procjenjivanja financijske oskudice kako bi se odredilo da li je usklađivanje sa obračunatom mjesečnom naknadom adekvatno.

Porodica kao cjelina/veličina domaćinstva

Porodica kao cjelina/veličina domaćinstva znači grupa pojedinaca u istom domaćinstvu čije se informacije koriste da bi se odredila veličina domaćinstva i financijski resursi. To

bi moglo uključivati, ali nije ograničeno na, biološke roditelje, usvojitelje, očuhe i maćeha, kao i djecu (biološku i usvojenu). U svrhu određivanja veličine porodice kao cjeline, ovisnost za članove porodice mora zadovoljiti test ovisnosti koji koristi federalni šifarnik internog dohodka.

Glava domaćinstva/osoba odgovorna za financije

Glava domaćinstva/osoba odgovorna za financije znači pojedinac koji je odgovoran/na za plaćanje obračunatih mjesečnih naknada za participaciju.

Verifikacija prihoda

Verifikacija prihoda znači proces pregledavanja porodične dokumentacije o prihodima i dozvoljenim troškovima koji se javljaju za vrijeme procesa uvođenja, godišnjeg pregleda ili u neko drugo vrijeme kada to traži porodica, Sistem tačke ulaza (SPOE) ili DESE.

Bruto godišnji zarađeni prihod

Bruto godišnji zarađeni prihod znači ukupni prihod od izvora po sonovu zaposlenosti prije odbijanja s platnog spiska i drugih odbitaka. Primjeri uključuju plate i nadnice, napojnice, provizije, bonuse i bilo koje druge prihode kao što se traži u izvještaju federalnog poreza na dohodak.

Bruto godišnji nezarađeni prihod

Bruto godišnji nezarađeni prihod znači ukupni prihod od investicija i drugih izvora koji nisu vezani uz zaposlenost. Primjeri uključuju zarade po osnovu kamata, napojnica, dividendi, anuiteta, renti, penzija, beneficija po osnovu invaliditeta/zadnjeg preživjelog, odštete radnika, nezaposlenosti, naknade po osnovu penzionisanja, kao i bilo koje druge prihode poput onih koji se traže u izvještaju federalnog poreza na dohodak.

Povrat federalnog poreza na dohodak je preferirani metod prikupljanja usklađenog bruto prihoda i porodice kao cjeline/veličine domaćinstva.

FCP raspored naknada

FCP naknade su bazirane na kliznoj skali koja uzima u obzir usklađeni bruto prihod za porodicu i broj članova porodice. Određivanje roditeljske sposobnosti ili nesposobnosti plaćanja se donosi kod inicijalnog individualiziranog plana porodičnih usluga (IFSP), godišnjeg IFSP i u drugo vrijeme koje zahtijeva porodica. Za porodice za koje je procijenjena naknada, minimalna naknada je 5,00 \$, a maksimalna naknada je 100,00 \$ mjesečno. Klizna skala je razvijena koristeći 200% federalne smjernice za neimaštinu za 2005. godinu.

Klizna skala je ažurirana na godišnjoj osnovi kada se pojave promjene u federalnim smjernicama za neimaštinu. Promjene na obračunati iznos porodične naknade stupaju na snagu u mjesecu koji dolazi nakon promjene. Klizna skala se može vidjeti na:

<http://www.dese.mo.gov/divspeced/FirstSteps/FCPmainpg.htm>.

FCP usklađivanje naknada i financijska oskudica

Usklađivanje sa mjesečnim FCP naknadama može biti uvećano ili umanjeno u bilo koje vrijeme, uključujući i inicijalnu procjenu naknade, zbog sljedećih situacija:

- 1) Promjena porodice kao cjeline/veličine domaćinstva;
- 2) Promjena u bruto godišnjem prihodu za više od deset procenata; i
- 3) Financijska oskudica u kojoj su neplanirani događaji uticali na porodičnu financijsku situaciju i troškove (uključujući ali ne ograničavajući se na: gubitak doma, gubitak posla, vanredni medicinski troškovi i druge događaje određene kao adekvatne od strane direktora SPOE).

Roditelj ima 15 radnih dana da o promjenama izvijesti koordinatora usluga. Ako roditelj ne izvijesti o promjenama unutar odgovarajućeg vremenskog okvira i umanjeње naknade se obračuna za porodicu, nova umanjena naknada nije retroaktivna na vrijeme kada se promjena desila.

Procjena FCP

Svako prihvatljivo dijete i porodica koji participiraju u First Steps se procjenjuju za FCP naknadu i klasificiraju kao sposobni ili nisu sposobni za plaćanje.

Sposobnost plaćanja se odnosi na determinaciju porodične financijske sposobnosti da doprinosi u troškovima za pružene usluge od strane First Steps. Ova determinacija je bazirana na položaju porodice na kliznoj skali za naknade. Položaj na skali pri minimalnoj stopi participacije porodice (većoj od 0\$) kao što je utvrđeno državnim zakonom ili od strane DESE naznačava sposobnost plaćanja.

Prema državnom zakonu, ako je određeno da porodica ima sposobnost plaćanja, uvećana naknada se naplaćuje (100 \$), ali ne više od efektivnih troškova usluga koje pruža First Steps, u sljedećim situacijama:

- 1) Roditelj odbija da pruži financijske informacije za SPOE da bi se obračunala naknada.
- 2) Roditelj pruža netačne ili informacije koje navode na pogrešno zaključivanje.

Nesposobnost plaćanja se odnosi na determinaciju da porodica nije sposobna da financijski doprinese u troškovima pruženih usluga od strane First Steps. Položaj na kliznoj skali za naknade na 0 \$ naznačava nesposobnost plaćanja.

Porodica je determinisana kao nesposobna za plaćanje ako je dijete/p porodica upisana na Medicaid (pod bilo kojim programom sa državnim pravom), prihod za dopunsku sigurnost (SSI), pomoć za kupovinu hrane ili je dijete pod starateljstvom. Dalje, participacija u First Steps ne umanjuje medicinsku ili drugu pomoć koja je dostupna u državi niti mijenja podobnost u poglavljima V ili XIX Zakona o socijalnoj sigurnosti.

Ako je određeno da porodica nije sposobna za plaćanje, odbijanje roditeljske saglasnosti da se koristi privatno osiguranje možda neće biti korišteno za odgađanje ili osporvanje bilo kojih usluga. Porodica za koju je određeno da nije sposobna za plaćanje primit će sve usluge od First Steps bez troškova za korisnika.

Uskraćivanje plaćanja odnosi se na determinaciju da je porodica sposobna za plaćanje, ali je uskratila plaćanje FCP mjesečnih naknada. DESE poduzima aktivnosti za naplatu svih neplaćenih dospjelih iznosa. Prema državnom zakonu, ove aktivnosti podrazumijevaju, ali nisu ograničene na, obustavu usluga od First Steps osim onih koje se pružaju bez troškova za korisnika. Porodica je obaviještena putem pošte kada su mjesečne naknade:

- 1) 30 dana u kašnjenju s plaćanjem;
- 2) 60 dana u kašnjenju s plaćanjem; i
- 3) 75 dana u kašnjenju s plaćanjem.

Na 75. dan po neplaćenju obračunatoj mjesečnoj naknadi, glava domaćinstva prima prethodnu pisanu obavijest putem pošte kojom se ukazuje da će First Steps usluge (osim onih koje se pružaju bez troškova za korisnika) biti obustavljene 90. dan od neplaćanja. DESE mora takođe obavijestiti odgovarajuće SPOE kada porodica ima status neplaćanja. Sistem podataka sadrži komentar da su usluge obustavljene zbog ne izvršavanja plaćanja traženih naknada. Porodica možda neće primiti usluge sve dok se ne zadovolje kriteriji ponovne uspostave.

Kriteriji ponovne uspostave

Usluge koje su obustavljene zbog neplaćanja primjenjivih naknada mogu se ponovo uspostaviti nakon izvršenog plaćanja cjelokupnog iznosa neizmirenih obaveza. Ako je prošlo manje od tri mjeseca od obustave usluga, koordinator usluga mora izvršiti ponovnu procjenu FCP iznosa prije ponovne uspostave usluga. Međutim, ako je prošlo više od tri mjeseca od obustave usluga, koordinator usluga mora izvršiti ponovnu procjenu FCP iznosa kao i postojećih IFSP aktivnosti prije ponovne uspostave usluga. Porodici se ne garantuje isti pružalac usluga koji je bio dodijeljen prije obustave usluga.

FCP izvještaj

Centralni financijski ured šalje porodici mjesečni izvještaj i naplaćuje naknade. Mjesečna naknada je dospjela za bilo koji dio u mjesecu u kojem su usluge od First Steps dostavljene porodici. Porodicama se ne naplaćuje više nego što su efektivni troškovi usluga (faktoring u bilo kojem iznosu koji je primljen iz drugih izvora za plaćanje za tu uslugu). Porodicama sa javnim osiguranjem ili privatnim osiguranjem se ne naplaćuje disproportionalno više nego porodicama koje nemaju javno osiguranje ili privatno osiguranje.

Spor oko FCP naknada

Roditelji koji se žele nositi s nametima za naknade, ili državnom determinacijom roditeljske sposobnosti plaćanja, mogu učiniti jednu od sljedećih stvari:

- 1) Participacija u posredovanju.
- 2) Tražiti postupak saslušanja.
- 3) Podnijeti žalbu državi.
- 4) Koristiti bilo koji drugi postupak utvrđen od strane države za brzo rješavanje financijskih zahtjeva, pod uslovom da takvo korištenje ne odgađa niti osporava prava roditelja.

Usluge bez troškova za korisnika

Sljedeće usluge se dostavljaju bez troška za svu djecu i porodice u vezi sa First Steps:

- 1) Aktivnosti nalaženja djece;
- 2) Evaluacija i procjena;
- 3) Koordinacija usluga; i
- 4) Administracija i koordinacija aktivnosti (uključujući razvoj, pregled i evaluaciju IFSP-a i pribavljanje roditeljskih prava).

Sve usluge od First Steps osim usluga bez troškova za korisnika su podložne naknadama.

PRIVATNO OSIGURANJE

DESE implementira sistem plaćanja koji utvrđuje participaciju za privatno osiguranje u troškovima za pružanje usluga od First Steps. Pod mandatom državnog zakona, nosiocima privatnog osiguranja sa prakticanjem u državi Mizuri se fakturiše u skladu sa godišnjom deklaracijom. Nocioci osiguranja mogu birati jednu od dvije opcije navedene ispod na godišnjoj deklaraciji:

Opcija 1: Plaćanje glavnine/procenta

Nosilac osiguranja plaća First Steps do 31. januara date kalendarske godine iznos koji je jednak jednoj polovini od jednog procenta direktno upisane premije za planove zdravstvene naknade kao što je iskazano prema Odjelu osiguranja, financijskim institucijama i profesionalnoj registraciji za zdravlje nosilaca najskorijeg arhiviranog godišnjeg financijskog izvještaja, ili od pet stotina hiljada dolara, ovisno od toga koji iznos je manji. Informacije o pojedinom djetetu i uslugama se ne objavljuju nosiocu osiguranja pod opcijom plaćanja glavnine/procenta i roditelji su obaviješteni o ovome u vrijeme roditeljske saglasnosti.

Opcija 2: Direktna potraživanja

Nosilac osiguranja plaća primjenjivu stopu MO HealthNet/Medicaid za svaku direktnu uslugu od First Steps koja je fakturirana kao profesionalna terapija, govorna/jezička terapija, fizička terapija i pomoćna tehnologija. Informacije o pojedinom djetetu i uslugama se objavljuju nosiocu osiguranja pod direktnom opcijom i roditelji su obaviješteni o ovome u vrijeme roditeljske saglasnosti.

Korištenje privatnog osiguranja

Porodica može uzeti na sebe grananje radi korištenja roditeljskog privatnog osiguranja. Roditelji su obaviješteni o mogućem grananju u vrijeme roditeljske saglasnosti za korištenje privatnog osiguranja, kako slijedi:

- 1) Korištenje privatnog zdravstvenog osiguranja za plaćanje usluga od First Steps se može uračunati ili rezultirati gubitkom beneficija zbog kvantitativnog pokrivača godišnjeg ili životnog zdravstvenog osiguranja za dijete, roditelje ili članove porodice.
- 2) Korištenje privatnog zdravstvenog osiguranja za plaćanje usluga od First Steps može negativno uticati na dostupnost zdravstvenog osiguranja za dijete, roditelja ili članove porodice; uključujući i njegovo otkazivanje.
- 3) Korištenje privatnog zdravstvenog osiguranja za plaćanje usluga od First Steps može biti osnova za uvećanje premija zdravstvenog osiguranja za dijete, roditelja ili članove porodice.

U slučaju da je dostupnost zdravstvenog osiguranja negativno pogođena zbog participacije u First Steps, porodica bi trebala kontaktirati koordinatora usluge.

Premije/Co-plaćanja/franšize

Roditelji su odgovorni za plaćanje premija za roditeljske privatne planove osiguranja. First Steps djeluje kao pružalac usluge i ne nameće franšize ili co-plaćanja kada se koristi privatno osiguranje za plaćanje usluga od First Steps. U slučaju da se od porodice naplati franšiza ili co-plaćanje, porodica bi trebala kontaktirati koordinatora usluge.

Roditeljska saglasnost za privatno osiguranje

SPOE dobija roditeljski pristanak prije nego First Steps zatraži korištenje privatnog osiguranja od roditelja za plaćanje inicijalne provizije za usluge od First Steps u skladu sa IFSP. SPOE također dobija roditeljsku saglasnost prije nego First Steps zatraži korištenje privatnog osiguranja roditelja da plati za uvećanje dužine, trajanja, učestalosti ili inteziteta usluga od First Steps u skladu sa IFSP.

Dobivanje roditeljske saglasnosti za korištenje privatnog osiguranja roditelja znači da su lične informacije koje se mogu utvrditi objavljene kako bi se fakturiralo privatno osiguranje za usluge od First Steps. Ako je za porodicu određeno da nije sposobna za plaćanje, odbijanje roditeljske saglasnosti da koristi privatno osiguranje neće biti korišteno za odgađanje ili osporavanje bilo kojih usluga.

Ako roditelj ne obezbijedi saglasnost za korištenje privatnog osiguranja, usluge bez troškova za korisnika i bilo koje usluge od First Steps koje su navedene na djetetovom IFSP za koje roditelj obabijedi saglasnost i dalje moraju biti dostupne za dijete.

Ako porodica ima privatno osiguranje, gdje privatno osiguranje zahtijeva da se plati prije javnog osiguranja, porodica može uzeti na sebe grananje kao što je opisano pod *Korištenje privatnog osiguranja – Opcija 2: Odjeljak direktna potraživanja*.

JAVNO OSIGURANJE

DESE implementira sistem plaćanja koji utvrđuje participaciju za javno osiguranje u troškovima za pružanje usluga od First Steps. Javno osiguranje se odnosi na MO HealthNet/Medicaid fondove.

DESE informiše porodice o dostupnosti javnog osiguranja ali ne zahtijeva da se roditelji prijave ili upišu za javno osiguranje kao uslov primanja usluga od First Steps.

Korištenje javnog osiguranja

Prema uslovima međuagencijskog sporazuma između DESE i sektora MO HealthNet, MO HealthNet/Medicaid zahtijeva da usluge od First Steps nisu u suprotnosti sa djetetovim ili roditeljskim odredbama javnog osiguranja navedenih u nastavku:

- 1) Smanjenje dostupnog vijeka pokrivenosti ili bilo koje druge osigurane beneficije za to dijete ili roditelja u sklopu ovog programa.
- 2) Dovođenje do toga da roditelji djeteta plaćaju za usluge koje bi inače bile pokriveno programom javnog osiguranja.
- 3) Dovođenje do bilo kakvog povećanja premija ili prekida javnog osiguranja za to dijete ili roditelje tog djeteta.
- 4) Rizik gubitka prava za dijete ili roditelje tog djeteta na dom i odricanje zajednice na osnovu agregatnih troškova vezanih za zdravlje.

Obavijest roditeljima

SPOE dobija roditeljsku saglasnost prije nego lične informacije koje se mogu utvrditi budu objavljene prema MO HealthNet/Medicaid da bi se fakturisalo za usluge od First Steps.

Ako roditelj ne obezbijedi saglasnost za korištenje javnog osiguranja, usluge bez troškova za korisnika i bilo koje usluge od First Steps koje su navedene na djetetovom IFSP za koje roditelj obezbijedi saglasnost moraju i dalje biti dostupne za dijete.

Roditelji mogu povući saglasnost za javno osiguranje u bilo koje vrijeme.

Roditelji su odgovorni za plaćanje premija za javno osiguranje roditelja, ako je to primjenjivo. Za porodice sa javnim osiguranjem, First Steps djeluje kao pružalac usluge i ne nameće franšize ili co-plaćanja.

Roditeljska saglasnost za javno osiguranje

SPOE dobija roditeljsku saglasnost prije nego se lične informacije koje se mogu utvrditi objave prema MO HealthNet/Medicaid za upis djeteta/roditelja u MO HealthNet ili za korištenje javnog osiguranja za plaćanje usluga od First Steps u skladu sa IFSP. Roditeljska saglasnost za javno osiguranje mora takođe biti dobivena ako se desi kršenje odredbi javnog osiguranja kao što je opisano u gore pomenutom poglavlju *Korištenje javnog osiguranja*.

Porodice sa privatnim osiguranjem i javnim osiguranjem

Ako porodica ima i privatno osiguranje i javno osiguranje, gdje se traži da se privatno osiguranje plaća prije javnog osiguranja, porodica može uzeti na sebe grananje kao što je opisano u *Korištenje privatnog osiguranja – opcija 2: Odjeljak direktna potraživanja*. Zahtjevi za roditeljsku saglasnost za privatno osiguranje i za javno osiguranje se primjenjuju na porodicu.